

docriver 文川网  
古籍书城  
入驻商家  
在文川网搜索古籍书城 获取更多电子书

中國方志叢書·華北地方·第四五四號

據 民國·徐家璘、宋景平等修，楊凌閣纂  
民國七年刻本 影印

河南

# 商水縣志



成文出版社有限公司印行



中國方志叢書·華北地方·第四五四號

據

民國·徐家璘、宋景平等修，楊凌閣纂  
民國七年刻本

影印

河南省

# 商水縣志



成文出版社有限公司印行



中國方志叢書·華北地方·第四五四號

據

民國·徐家璘、宋景平等修，楊凌閣纂  
民國七年刻本

影印

河南省

# 商水縣志

成文出版社有限公司印行



docsriver 文川网  
入驻商家 古籍书城

在文川网搜索古籍书城 获取更多电子书

中國方志叢書·華北地方·第四五四號

據

民國·徐家璘、宋景平等修，楊凌閣纂  
民國七年刻本

影印

河南省

# 商水縣志

成文出版社有限公司印行



中華民國六十四年 月臺一版

# 商水縣志

全四冊

發行人：黃 成 助

出版者：成文出版社有限公司

台北市郵政信箱二二六〇五號  
台北市羅斯福路三段二四〇巷五號


印刷者：成文出版社有限公司

內政部登記證內版台業字第一一四七號

重修商水縣志序

國家之大權輿於一邑欲周知通國之治化必自一邑始邑之有志不綦重哉商水縣志自前清乾隆迄今百有餘年未經重修邑紳李篤臣王煥臣李賓閣胡香谷胡銘齋李心階趙曉峯王芝香趙順庵諸君子慨又獻之不足無以鑑往昔而示來茲倡議重修民國三年三月開始七年二月歲事裝訂成帙囑爲序言倜固隸人人軍數載兼領疆符戎馬倥傯學識樸僿閭里利病愧未周知讀斯編而得其感化實業述嬗之略俾因之有所考證於其利病之所在而有以興華之不難由一邑以推之全省則謂此志爲行政之先河亦無不可至於疆域沿革諸端紀載翔實無待贅言是爲序

中華民國七年六月河南督軍廉署省長汝南趙倜撰






# 重修商水縣志序

者爲政之書也凡一邑沿革興廢之故政教治亂之由璣不其  
之於志以爲徵信顧編稽故實採取往蹟率踰百數十年而一修  
撫焉弗精考焉弗詳往往抱闕略以爲憾求掌指瞭如而不可得  
嗚乎此誰之過歟蓋守宰之官視如傳舍叢頽簿錄日昃不遑無  
復措意於文獻而邦人士之賢者事會阻梃欲修輒又不果非其  
力有沫逮誠以逸說雜聞不諮詢於里父老者舊蒐討往復累日  
曠時則無能載筆成爲一書信乎艱已商水舊志俚而不典識者  
病之民國改革邑人士懼方聞之多墜也哀然爲重修之舉竊按  
邑之初置漢爲汝陽屬汝南郡魏晉六朝因之舊志失考疎矣隋  
唐之代或縣或州皆以潑名而又爲淮陽一郡所領轄洎以商水  
名縣乃自宋建隆年間始厯金元明清以來隸陳郡並隸開封故

城建基歷歷可考夫邑古而地踞淮之上游有褚穀之二川有南  
湖北池諸溝之支水蕩漾浸流仕宦遷羈樂過其境爲攬勝槩常  
有嘯詠流連不遠去之意至於才賢魁壘奇節幽遜抱耽道研精  
之質有孝弟節義之行取今證昔鄉曲代不乏人凡此可錄可紀  
可表章者豈特用爲激勸抑亦見風俗文治隨世變而愈進焉邑  
爲先府君舊治暑弱隨侍禮與邑士無往還追思疇曩何啻兒時  
垂游之所在今余忝領開封一道適邑宰與志局諸君子提倡續  
修來詢於余余急憇憇之同時主筆者楊君仲唐李君篤臣二君  
皆博洽宏通之士既不泥古尤能遞嬗推遷發明新學歷數年而  
告成爲圖爲表爲志爲錄共合若干卷徵引精核詳賅雅馴比較  
志損益去取可謂不主故常得徵實用更足昭信而垂遠矣與  
編校者縣中賢士大夫之力尤多余不辭固陋欣爲泚筆弁數語

於簡端以誌顛末云爾

戶部開封道道尹杭縣葉濟撰



商水縣志序

志爲紀實之書必歷世一修始克繼往開來以成信史商水舊志修於有清乾隆中葉其間百數十年闕然無紀人皆憾之民國紀元三年前令徐君沛棠邀邑紳李篤臣王煥臣李賓閣胡銘齋胡香谷諸君設局續修聘項城楊孝廉仲唐爲總纂張君鼎石施君虞琴佐之本邑李心階趙曉峯王芝香趙順菴諸君子分任編校明夕罔間嗣以經費不充進行遲頓屬稿甫半岌岌乎有中輟之虞嗟乎一時盛業阨於貲財天下事類於是者可勝道哉今者世變日亟靡知所屆設不幸而叢藁散佚後之人雖欲重事操觚而文獻無徵幾何不更增憾事乎

章鎬

下車伊始覩茲闕略慨然

惜之爰爲多方羅掘謀之紳董得資若干緡撥充局用在事諸君子亦皆熱心任事惟日孜孜而全書遂以告竣計由始事以底於

成蓋已四閱寒暑矣徐令發其緒諸君子在其勞遂使百有餘年  
不絕如縷之事實哀然成集復貢於世以餉後來其亦可以彌邦  
人士之憾歟章鑄感懷時局樂觀厥成於其付梓聊綴數言以誌  
緣起至若全書體例之謹嚴攷覈之精審則開卷者能自得之余  
奚贅焉

民國七年二月知縣事福建裘章鑄撰

續修商水縣志序

午春余以鹿邑令移宰商水蒞事之初即亟亟於邑之人情土俗採訪於因公往來之餘考察於專意巡歷之際而究未深悉其底蘊也乃與諸縉紳先生談次始知續修縣志告成正值開雕余索藁讀之知發起於前令徐公歷任傅郭鈕裘諸公多所贊助是余無補於斯志可知也顧余才非通方治愧循良於茲邑之興革利弊雖未能燎然於胸中然兢兢以曠官爲慮今來幸斯土躬逢其盛得此編而置之座右凡夫山川人物之美城郭人民之壯且盛如置身禮樂之堂與文人學士溯曩哲而則先型舉農商學校吏治民情無不巨細畢收本末兼賅詎非余之厚幸則向之未悉底蘊者今已歷歷在目矣斯志之成在一時是備觀風問俗者之省覽在來禩足爲酌古致治者之資助尚冀縉紳先生暨邑人士

匡余不逮以期政舉民安鼠雀潛化家絃誦而戶比封噓之爲風  
被之成俗則余於斯志有光也夫

中華民國七年仲夏商水縣知事漢陽宋景平撰



商水縣志沿革敘

志書者一縣之信史也信而有徵方足以垂裕後昆永傳勿替吾商舊乘乾隆初葉奉檄重修其間他所紀述尙不戾古而病今獨輿地沿革朝代迭更變遷隨之夫舊乘所載以吾商爲商畿內地立說近於敷衍而楚稱商密秦號澠澹唐曰商州襲謬承誘益違的解按商密都之別邑都介浙川計以道里去吾商何啻數百左傳杜註所釋最確許南有澠澹城爲漢堅鐔侯邑其非吾商明甚至若商州名稱唐書無表烏得據爲信史乎補不敏間亦涉獵羣籍藉廣見聞崑山顧氏讀史方輿紀要謂兩漢以來吾商爲汝陽一作汝陽隸汝南郡東晉宋魏曰汝陽郡後齊罷郡爲縣隋改汝陽爲澠水別置汝陽唐以鄆爲澠州澠水隸此尋隸陳州宋避宣廟諱易澠爲商元仍之廢南頓縣遷吾商於其城卽今治西有故商水縣志

序

docsriver 文川网  
入驻商家 古籍书城

在文川网搜索古籍书城 获取更多电子书

縣俗誤作固現卽故汝陽別置之汝陽爲縣瓠析上蔡地汝南郡治在焉元嘉二十七年魏主燾侵宋圍縣瓠遣永昌王仁驅所掠六郡生口北屯汝陽通鑑輯覽諸書多符合於斯曩歲縣長徐公沛棠傳公伯申熱心續修聘項城楊君仲唐鐸司總纂經費孔艱三歷寒暑而未告成嗣得裘公少京同年來宰吾邑下車伊始卽名同志籌備重貲銳意進行自春徂冬克蕪厥事方今彙輯成帙用付手民祐濫竽其側深悉是舉也非我同年勤於公益爲吾商振茲墜緒竊恐沿革之不正蓋將與此終古矣

民國六年丁巳嘉平月邑人李介祐篤臣民敘於宅之誦芬吾廬

商水縣志序例

商水明志散佚清初奉文繕修迫於成書考據殊疎不知商水卽漢之汝陽故辭多附會嗣是雖迭經續修而沿譌踵謬茲特正之其他闕者補之庸者刪之雜者理之疑者闕之旁採他書以考證之廣延耆俊以諮詢之其體例類仿列史名志凡爲圖四十五爲表三爲志十一爲序錄一謹次敘其略如左

實齋章氏謂今之州縣輿圖往往卽楮幅之廣狹爲圖體之舒縮此則丹青繪事之故習而不可入於史部之通裁也今以開方計里爲經以縣鄉集鎮村落川渠爲緯總圖之外每區各地方又爲分圖使閱者按格而稽不爽銖黍至於城池衙廨祠廟學校各圖亦輿地所附著典章制度人民之所由重也述輿圖第一

方志一書徵今尤必考古方免臆斷商水舊志沿革以爲卽楚之

商密秦之激疆漢之濇強疎謬極矣茲據歷代史志定勒爲表援  
宋周應合景定建康志之例也述沿革志第二

實齋章氏曰職官選舉入於方志皆表體也歷官歲月與夫科舉  
甲庚年經事緯足以爽豁眉目有所考索商水舊志無表而職官  
一門兩漢六朝稱汝陽時官斯土者既闕而不載近如明清亦多  
闕略可考者補之不可考者亦須略變其例後附名宦傳取其在  
此一方興利除弊遺德在民其他事蹟例不濫書或括以數語附  
見表中其無可稱者雖不加貶辭而抑揚見矣不可爲後來者勸  
乎述職官表第三

選舉之法古今殊途兩漢以徵辟唐以後始設科目此選舉之志  
所由昉也商水唐稱激水其科目闕如宋則姚曄孫奕姚仲孫外  
他無聞焉自明以來進士舉人兩科其年次先後尙爲易考獨歲

貢一科難紀其詳入清又分五貢則更難矣故年經事緯之例亦當有以變通之也至於廕襲保舉捐職等不可紀以年者並附其後云述選舉表第四

輿圖所不能詳者地理河渠二志以分疏之參閱互證則全境之形勢既瞭然於目亦洞悉於心矣至於正疆域之範圍辨區地之分限立集鎮以便交通建寨堡以資保衛聯村莊以共守望則尤多事之秋守土者所當留意者也又觀風俗以知今昔之殊明物產以順土地之宜非其政治民生所攸關乎俗志附會古蹟泛列八景久爲識者所譏茲於古蹟猶分別存之八景概從刪落援陸稼書靈壽志之例也星野舊志以商水在開汝之間似應屬角亢焉約略之辭何足徵信故亦刪之述地理志第五

實齋章氏曰史遷爲河渠書班固爲溝洫志蓋以地理爲經水道

爲經地理有定而水則遷徙無常商水地多窪下淤枯諸河并受上游衆波之水每當霪雨輒有漫溢之患鄉民習於苟安以開溝洫爲厲禁卽河流淤塞愚民便於開墾之小利而不知疏濬利導之爲功普也述河渠志第六

建置所以昭法度也法度所不繫則無取於建置矣城池以固守禦倉廩以備饑饉養濟以安瑩黎設爲舖舍便商旅之往來建立坊表棟閭閻之觀聽捐施漏澤義地俾流亡得所託庇至於公署賢有司所藉以聽政涖民也其將何以上體國恩下恤民隱以不負此崇高之廣居乎述建置志第七

田賦之制歷代各殊清踵明制一條鞭法最爲便民雍正四年詔改丁隨地納尤稱簡易惟清自聖祖詔諭天下以康熙五十年編審戶口清冊爲定額以後盛世滋生人丁永不加賦至乾隆中葉

帑藏充溢連復民間田租深恩厚澤於今爲烈矣降及咸同之際軍儲空虛雖廣捐途借外債而終不肯爲加賦之舉豈非以民爲邦本不敢圖一時之利失天下之心乎及宣統建元新政繁興各屬公益捐已多按畝附加而正賦尙未變更也民國四年秋吾豫主財政者創議加賦每畝竟加至六十文之多而外省皆無何豫民之不幸耶後雖以全省之力爭之不過少爲減殺而已至於雜稅舊志征收無多近百餘年周口鎮商業振興行稅已大異於昔又近歲以來有加無已然其籍不可得而考非主筆者之疎也述田賦志第八

世運之隆替由於學校學校之正變繫乎人心吾中華自漢以來上自天子下至庶人無不崇禮孔子蓋以聖人立人道之極人類一日不絕則聖道一日不熄卽天地一日不毀好異者欲從而廢



之多見其不知諒也茲列文廟各祠而禮儀樂舞何以不載時移世改典禮廢弛故暫從刪如其復之自有會典諸書在至於書院學堂雖法制有變革其宗教則一而已矣述學校志第九

典祀之禮所以報有功耳前清列在祀典近多罷之然其名猶存焉者亦餽羊之意也其他寺觀散見於城鎮鄉村固多不經而亦附載於後蓋自教化不行士庶桀黠之流往往不畏聖言而畏鬼神况匹夫匹婦之愚每以崇奉神祇不敢妄作匪爲毋亦見懷恩威之義歟淫祀無福知道者自不爲所惑也釐而正之其主持世道者之責乎後附名人冢墓不惟山川生色使鄉後進瞻拜遺封自生景仰云爾述祠廟志第十

列史藝文志專載著述書目近來方志載以詩文失古義矣蓋以鄉曲僻邑經師間人歷代罕見安有著述不過一時文學之士題

詠古蹟流連八景收入藝文連篇累牘以誇靡麗濫已甚矣商水舊志亦蹈此失前代名人著述又鮮有可稱茲援唐人麗藻錄之例一變古法其有記序文字歌詠篇什足以考證事實亦所以補史家之闕非徒廣見聞炫文章也故分別錄入間有其事可取而文不雅馴亦準重實輕文之義不忍從刪裁之汰之以待後賢可矣述麗藻志第十一

兩漢列傳凡稱汝南汝陽人者胥商水人也商水失之而今之汝陽收之蓋兩悞也今志人物故以列傳冠首所見何書皆附注之其他忠孝節義一行可重者皆據事直書不敢妄逞辭翰尙實錄也間有採訪人物但曰品端學純好善樂施天性孝友泛泛數言毫無實事可據例難列傳亦有來傳尤長隨筆刪節而成書期迫不暇細斟此書祇作草創後有作者再加修潤至於或遺或濫乃

邦人士之責主筆者固不在咎也述人物志第十二

列女名傳創於劉向自范蔚宗東漢書始載列女後史多宗之然  
劉向所敘乃羅列之義後世史家所謂列女則節烈之謂也卽以  
節烈論而貞節之與殉烈已自有辨况賢母順婦貞媛孝女不皆  
在墮棄之列乎茲仿劉向原義分類編次不僅以節烈爲限且國  
家節婦之例夫死在三十年內行年歷五十外中間殘處亦必滿  
十年不幸天亡亦須守節十五年後與夫四十歲外律令亦得  
不如是耳婦德之賢否不可以年律也况方志之書採訪者密邇  
相處徵實自易如其行可信於律令年限亦可從寬而賢婦孝女  
生存者間有收入邑女外適亦爲附編蓋以婦女節行人微迹隱  
採風者遠而難及習見者忽而若忘越世以後卽泯然無傳矣商  
志失修百三十餘年所採節孝類在近三十年內乾嘉間不過數

人而已貞操奇節生非其時竟與草木同朽聞然無聞於世何其人之不幸耶今卽博採廣詢恐窮鄉僻壤孤行苦守遺漏尙多雖他人譏以爲濫亦不辭也述列女志第十三

雜事志首列祥異卽漢書五行志中事也並列兵變述旣往以慎將來賢有司保障一方所當思患豫防早爲之備耳况商水自曾三犯難以後土寇之警時聞兵以衛民非亦地方之要務乎

### 事志第十四

商水舊志於前人志序俱羅列卷首主客不分今別編序錄一卷刊於志末本漢人王符潛夫論也並列前志纂修姓氏不敢揜昔人之長以忘所因之有自述序錄第十五

右略陳作述之義而才短學疎疵謬難免徒增愧耳又當日任纂修者本舊友施君景舜閣與張君三寶不過分任編輯之役不幸



施君云亡主筆無人辭不獲已勉強受之復值家變迭遭心緒煩  
亂各門編纂多賴張君之力測量繪圖乃項城韓君紹荆西華張  
君萼竭數月之勞瘁所成也風俗物產邑人李君敦仁所述也寨  
堡集鎮趙君畏三所手定村莊河渠祠廟何君天衢所繕藁也指  
陳得失分別裁汰趙君明坤爲多而隨時指正則李君介祐趙君  
崇光王君芳德王君炳揚至庶務任勞始終其事者王君育德任  
君清和梁君子傑三人也共事之勤何敢掠美例得備書

歲在丁巳舊曆嘉平月望日項城楊凌閣謹識

岡水縣志目錄

卷一

輿圖

縣境總圖

五區分圖

三十一地方分圖

城池圖

縣署圖

儒學署圖

學校圖

文廟圖

節孝祠

城隍廟圖

文昌宮圖

關岳廟圖

奎星樓圖

卷二

沿革表

卷三

職官表

知縣

教諭

訓導

典史

把總

附

縣丞

簿

縣尉

義官

儒官

農官

壽官

文廟

奉

祀員

縣視學

管獄員

警佐

名宦傳

卷四

選舉表

薦辟

進士

舉人

貢生

武科

封贈

保舉

捐職

考職

磨襲附

雜職

學校畢業

卷五

商水縣志

卷首

目錄

上

docsriver 文川网  
入驻商家 古籍书城

在文川网搜索古籍书城 获取更多电子书

地理志 形勢 區域 里地方 寨堡 集鎮 村莊 風俗 物產 古蹟

卷六

河渠志 河道 溝渠附 隄防 橋梁 坡湖

卷七

建置志 城池 公署 倉廩 養濟 漏澤附 義地 堡坊表

卷八

田賦志 戶口 田賦 起解 存支 裁改 鹽引 雜稅

卷九

學校志 文廟附 名宦 鄉賢 忠義 昭忠 節孝各祠 儒學附 書院 義學 學校

卷十

祠廟志 壇壝 廟祀附 寺觀 冢墓

卷十一



麗藻志一

詔諭

對疏附

摺

卷十二

麗藻志二

公牘

卷十三

麗藻志三

書

說

訓

序引

卷十四

麗藻志四

碑記

卷十五

麗藻志五

墓碑

雜記

卷十六

麗藻志六

贊

歌

詩

卷十七

商水縣志

卷首

目錄

十三